

partim in ætate puerili a curis negotiisque immunitas, ac libertas: partim, in proveciori ætate vel cælibatus, vel ministerium ancillarum, quæ etiam matronas locupletiores a negotiis domesticis magna ex parte liberare solent. Quarto, Finis ei fit, non vana gloria, & ostentatio; aut inutilis quædam curiositas; sed præter finem generalem, Gloriam Dei, scilicet, & animæ suæ salutem; ut & ipsa tanto melior evadat ac felicior; & familiam (si id ei muneris incumbat) erudiat ac dirigat, & toti etiam Sexui, quantum fieri potest profit.

- a) De puellarum eruditione quæ partim apud divites extraneos, partim domi erudiebantur, legendi *Liv. lib. 3. Plin. Epist. 17. lib. 1. Athen. lib. 1. Plut. lib. de Educ. liber. Gordia. 1. 15. de negot. gest. Fornar. ad Cassiod.*

### *Limitationes Prædicati.*

Studium Litterarum sic limito, ut omnes quidem honestas disciplinas, sive universam *ἐγκυκλοπαιδείαν*, ut vocant, Christianæ fœminæ (tanquam proprium ac universale hominis bonum seu ornamentum) convenire omnino arbitrer. sed